

ELKARTEAREN ESTATUTUAK

LEHENENGO KAPITULUA

IZENA

1.- artikulua.- 1993ko abuztuaren 10ean AS/G04071/1993 erregistro-zenbakiarekin inskribatutako NEKAZARITZA EKOLOGIKOA BULTZATZEKO "BIO-LUR GIPUZKOA" ELKARTEAREN estatutu hauek aldatu egin dira, Euskadiko Elkarteei buruzko ekainaren 22ko 7/2007 Legean eta Elkartzeko Eskubidea arautzen duen martxoaren 22ko 1/2002 Lege Organikoan ezarritakoaren arabera eta Euskal Herriaren Autonomia Estatutuaren 9. eta 10.13 artikuluetan azaltzen denarekin bat etorritik.

Elkartea arau hauen mende egongo da: aipatutako elkarteei buruzko legeak, estatutu hauek (legearen aurkakoak ez badira), elkartearen gobernu-organoek behar bezala hartutako erabakiak (legearen edota estatutuen aurkakoak ez badira) eta Eusko Jaurlaritzak onesten dituen erregelamenduzko xedapenak (azken horiek osagarriak izango dira).

ELKARTEAREN HELBURUAK

2. artikulua.- Irabazi asmorik gabeko elkarte hoenen **HELBURUAK** ondorengo hauek izango dira:

- ✓ Nekazaritza Ekologikoa bultzatzea; beste erakunde batzuekin batera hezi, informazioa eman eta lankidetzan jardun, nekazaritza eta abeltzaintzako teknikak garatzeko, ondorengo helburuokin:
 - Elikadura eta sanitate aldetik kalitatezko elikagaiak produzi ditzaten.
 - Ekosisteman barneraturik egin daitezen.
 - Nekazaritzako ekosistemaren barruan ziklo biologikoen garapen harmonikoa errespeta dezaten.
 - Lurzorua errespetatu eta bere emankortasuna elika dezaten.
 - Nekazaritzako jardueretatik sor daitezkeen kutsadura mota guztiak ekidin daitezen, sintesiko produktuekin kimikoak eta antzekoak erabiltzea adibidez.
 - Aniztasun genetikoak, hesiak, zuhaitziak, bertako espezieak, haziak, flora eta fauna etab bultzatzea ditzaten.
- ✓ Nekazari, tekniko, transformatzaile eta abarren arteko esperientziak trukatzeko aukera bultzatu, nekazaritza ekologikoa bere zentzurik zabalenean hartu eta metodo horietan interesa izanik, ekintzak, ikerketak, hedapen lana eta abar egiten dituztenen artean.
- ✓ Bazkideen ekintzak sustatu eta horietan lankidetzan jardun eta euren ustiapenen jarraipena egin.



- ✓ Azterlanak, ikerketak, jardunaldiak, topaketak, trukaketa interesgarriak, programa egonkorak eta abar bultzatu eta garatu.
- ✓ Ingurugiro heziketarako ekintzak egin.
- ✓ Herritar, kontsumitzaile, banatzaile, enpresa transformatzaile eta abarren artean Nekazaritza Ekologikoa zabaltzeko kanpainak eta horien guztien arteko loturak areagotzeko ekintzak egin.
- ✓ Erakunde publiko zein pribatuekin Nekazaritza Ekologikoa arautzeko beharrezko diren Araudiak prestatzen lankidetzan jardun eta horren helburuak lortzeko kontrola egin, Europako Batasunak ezarritako artezarauen arabera, eta helburu horietarako laguntzak eskatu.
- ✓ Aurreko idaztian jasotako ekintzez gain, eta horiei kalterik eragin gabe, bere helburuak betetzeko ondorengoak egin ahal izango ditu Elkartek:
 - Elkartearen helburuak betetzeko edo horretarako baliabideak biltzeko era guztietako ekonomi ekintzak gauzatu.
 - Era guztietako ondasunak eskuratu eta eduki eta mota guztietako egintzak eta hitzarmenak egin.
 - Nolanahiko ekintzak burutu, legeak eta estatutu hauek errespetatuz.

HELBIDE SOZIALA

3. artikulua.- Hona elkartearen helbide nagusia: BERGARAKO MENDI NEKAZARITZAKO ESKUALDEA BULEGOA.

Elkartek lurralde eremuaren barruan beste edozein lekutara ere aldatu ahal izango da, Batzar Orokorrak hala erabakitzen badu.

LURRALDE EREMUA

4. artikulua.- Gipuzkoako lurralde eremuaren garatuko ditu bere funtzioak elkartek.

IRAUPENA ETA IZAERA DEMOKRATIKOA

5. artikulua.- Elkartea iraunkorra izateko eratu da, eta VI. kapituluan esaten den bezala ezohiko batzar orokorrean hartutako erabaki bidez baino ezingo da desegin, edo legeetan aurreikusitako arrazoiren batengatik.

Elkartearen funtzionamendua eta barne-antolamendua demokratikoa izango da, eta pluraltasuna erabat errespetatuko da. Erabat deusezak izango dira elkartzeko oinarritzko eskubidearen alderdietako edozein betetzen ez duten itunak, estatutu-xedapenak eta erabakiak.

BIGARREN KAPITULUA

AGINTE- ETA ADMINISTRAZIO-ORGANOAK

6. artikulua.- Elkartearen agintea eta administrazioa kide anitzeko organo hauen esku egongo da:

- Bazkideen Batzar Orokorra izango da organo gorena.
- Zuzendaritza Batzordea izango da kide anitzeko zuzendaritza-organoko iraunkorra.

BATZAR OROKORRA

7. artikulua.- Batzar Orokorra bazkide guztiek osatzen dute, eta organo honen bidez adierazten dira bazkideen nahiak.

Hona Batzar Orokorraren ahalmenak:

- a. Elkartearen jardura-plan orokorra onartzea.
- b. Urteko kontuak eta hurrengo ekitaldiko aurrekontua aztertu eta onartzea.
- c. Zuzendaritza Batzordearen kudeaketa onartzea.
- d. Estatutuak aldatzea.
- e. Elkarrekin desegitea.
- f. Presidentetza, idazkaria, diruzaina eta kide anitzeko aginte-organoko gainontzeko kideak, baldin badaude, izendatzea eta kargutik kentzea; eta horiek guztiak ikuskatu eta kontrolatzea.
- g. Beste elkarte batzuekin batera federazioak eta konfederazioak osatzea, edota horietatik ateratzea.
- h. Fondoaren erabilpen zehatza onartzea.
- i. Aginte-organoko kideei ordaindu egin behar zaiela erabakitzea, hala komeni bada.
- j. Kuota arruntak eta bereziak ezartzea. Ahalmen hau, hala ere, Batzar Orokorrak aginte-organuari eskuordetu diezaike horretarako bereziki hartutako erabakiaren bidez.
- k. Bazkideak behin betiko kanporatzeko erabakia hartzea.
- l. Beste organo sozialen bati esleitu gabeko beste edozein eskumen

8. artikulua.- Batzar Orokorrak ohiko bilkurak eta ez-ohiko bilkurak egingo ditu.

9. artikulua.- Batzar Orokorrak gutxienez urtean behin egin beharko du ohiko bilkura, 7. artikuluko a), b) eta c) idatz-zatietan zehaztutako erabakiak hartze aldera.

10. artikulua.- Batzar Orokorra Zuzendaritza Batzordeak erabakitzen duenean bilduko da ezohiko bilkuran, bere ekimenez edota bazkide ekoizle eta arrunten %20aren pareko bazkide kopuruak idatzirik

eskatu duelako. Bilkura eskatzeko arrazoiak eta helburuak azaldu beharko dira baina, nolanahi ere, honako gaiak aztertzeke eta erabakitzeko bilduko da:

- a. Estatutuak aldatzeko.
- b. Elkartea desagiteko.
- c. Egoitza soziala aldatzea.
- d. Bere ondasun sozialak inorenganatzea, grabamenak eta hipotekak baimentzea

11. artikulua.-Batzar Orokorra biltzeko deialdiak idatziz egin behar dira; bilkuren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia 15egun lehenagoko aurrerapenez egingo da, eta urteko BIGARREN HIRUHILABETEKOAREN BARRUAN DEITUKO da. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tarte utzi beharko da.

Batzar orokorrak, ohikoak nahiz ezohikoak, lehenengo deialdian balio osoz eratuta geratuko dira botoa emateko eskubidea duten bazkideen herena bertaratzen bada eta bigarren deialdian, botoa emateko eskubidea duten bazkideen kopurua edozein dela ere.

12. artikulua. Batzar Orokorraren erabakiak gehiengo soilez hartuko dira, hau da, bertaratuen nahiz ordezkatu baiezko botoak ezezkoak baino gehiago direnean. Dena den, bertaratutakoen edo ordezkaturakoen gehiengo osoa beharko da (erdia + 1), honako erabaki hauek hartzeko:

- a. Estatutuak aldatzeko.
- b. Elkartea desagiteko.
- c. Egoitza soziala aldatzea.
- d. Bere ondasun sozialak inorenganatzea, grabamenak eta hipotekak baimentzea

13. artikulua.-Bazkideek edozein bazkideren utzi dezakete beren ordezkaritza, Batzar Orokorrera joateari dagokionez. Ordezkaritza hori emateko baimena idatzirik egin beharko da, eta batzordeko idazkariak saioa hasi aurretik eduki beharko du. Elkartearen egoitza dagoen herritik kanpo bizi diren bazkideek ordezkaritza beste norbaiten esku uzteko agiria postaz bidali dezake.

Bazkide bakoitzak bost bazkide ordezkatu ahal izango ditu, gehienez ere.

ZUZENDARITZA-BATZORDEA

14. artikulua. Zuzendaritza Batzordea da Batzar Orokorraren xedapen eta zuzentarauei jarraikiz elkartearen interesak kudeatu eta ordezkatzeko dituen organoa. Bazkideek baino ezingo dute osatu ordezkaritza-organoa.

Zuzendaritza Batzordea osatuko dutenak honakoak izango dira:

- ☐ Lehendakaria
- ☐ Idazkaritza
- ☐ Diruzaintza
- ☐ Lehendakariordea
- ☐ Batzorkideak – gutxienez 1 eta gehienez hiru

15. artikulua Batzar Orokorrak hautatuko ditu Zuzendaritza Batzordeko kargudunak.

Kargu horiek bi URTERAKO izendatuko dira Batzordeak berariaz baliogabetu ezean. Kargudun berbera behin eta berriro hautatu ahal izango da.

16. artikulua.- Pertsona fisikoek zein pertsona juridikoen ordezkariak baldintza hauek bete beharko dituzte Zuzendaritza Batzordeko kideak izateko:

- a. Adin nagusikoa izatea, eskubide zibil guztien jabe izatea, eta indarrean dauden legeetan ezarritako bateraezintasun-arrazoirik ez izatea.
- b. Estatutuetan aurreikusitako moduan izendatua izatea.
- c. Erakundeko bazkidea izatea.

17 artikulua Zuzendaritza Batzordeko kide izateko, lehendabizi, Batzorde Orokorrak izangaia hautatu behar du, eta, gero, izendatu horrek kargua onartu behar du.

Zuzendaritza Batzordeko kideen dieta eta gastuak ordaintzea erabaki dezake Batzar Orokorrak.

18. artikulua.- Zuzendaritza Batzordeko kideek beren kargua utziko dute honelakorik gertatuz gero:

- a. Agintaldia bukatzen denean.
- b. Dimititzen dutenean.
- c. Bazkide izateari uzten diotenean, edo kargua betetzeko ezintasun-arrazoiak dituztenean.
- d. Estatutu hauetako 16. artikulua aplikatuz, Batzar Orokorrak kargua baliogabetzea erabakitzen duenean.
- e. Hiltzen direnean.

Baldin eta kargua uzteko arrazoia "a)" idatz-zatian agertzen dena bada, Zuzendaritza Batzordeko kideek jardunean jarraituko dute lehenengo batzar orokorra egin arte. Batzar horretan aukeratuko dira kargudun berriak.

Arrazoia b), c), d) eta e) idatz-zatietan agertzen dena bada, berriz, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Orokorrak erabakiko du izendapena onetsi ala ez. Ezetsi egiten badu, behar diren kargu-izendapenak egingo ditu.

Organo honen osaeran egiten diren aldaketa guztien berri emango zaio Elkartearen Erregistroari.

19. artikulua. Hona Zuzendaritza Batzordearen eginkizunak:

- a. Batzar Orokorraren erabakiak betetzea.
- b. Elkartearen helburuak betetzea eta betearaztea eta betearaztea.
- c. Elkartearen eguneroko kudeaketaz arduratzea, Batzar Orokorraren jarraibideekin bat etorritik eta haren kontrolpean.
- d. Elkartearen diru fondoak administratzea
- e. Elkarteak aurrera eramango dituen ekintzen egitaraua egin eta elkartearen helburuetarako interesgarri diren gaiak proposatzea.
- f. Batzar orokorrak onartu beharko dituen aurreko urteko eta urteko memoria, balantzea eta aurrekontuak prestatzea.
- g. Batzar Orokorraren bileretako gai-zerrendak egitea, eta ohiko nahiz ezohiko batzar orokorretarako deialdiak egitea erabakitzea.
- h. Bazkide berriak onartzeko eskaerak aztertu eta, hala badagokio, onartzea
- i. Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
- j. Estatutu hauetako aginduak interpretatzea eta Estatutuetako hutsuneak betetzea, betiere elkartearen inguruan indarrean dauden legeekin bat etorritik.
- k. Batzar Orokorrak berariazko erabakien bidez ematen dizkion eskumenak erabiltzea, betiere ez badira haren eskumen eskusibokoak.

20. artikulua Zuzendaritza Batzordearen bilkurak lehendakariak erabaki edo batzordekide batek eskatzen duen bakoitzean egingo dira eta gutxienez hilean behin egingo dira.

Bilkurako buru lehendakaria izango da, ez balego, lehendakariordea; eta horien faltan, batzordekide zaharrena.

Batzordeak hartutako erabakiak baliozkoak izateko, biltzen diren batzordekideen gehiengoak aldeko botoa eman behar du. Horretarako, gutxienez batzordekideen kopuruaren erdiak egon beharko du bilkuran. Berdinketarik egonez gero, presidentetzaren kalitateko botoa izango da erabakiko duena

Idazkariak bilera-aktak egingo ditu eta akta horiek gero dagokion liburuan transkribatuko dira.

ZUZENDARITZA BATZORDEKO KIDEAK

PRESIDENTETZA

21. artikulua Elkarteko lehendakaria bere gain hartuko du elkartearen legezko ordezkaritza, eta Zuzendaritza Batzordeak eta Batzar Orokorrak hartutako erabakiak gauzatuko ditu. Era berean, aipaturiko bi organo horietako lehendakaria izango da.

22. artikulua, Presidenteak honako ahalmen hauek izango ditu:

- a. Zuzendaritza Batzordearen eta Batzar Orokorraren bilera-deiak egin, bilerak bukatutzat eman, bileretan sortzen diren eztabaidak bideratu, eta boto-berdinketa gertatuz gero kalitate-botoarekin erabakitzea.
- b. Elkartearen ekintzen egitasmoa Zuzendaritza Batzordeari proposatzea eta elkartearen zereginak bultzatu eta bideratzea.
- c. Bere sinadurarekin, diruzainarekin batera, elkartearen diruen erabilpena baimentzea.
- d. Sortzen diren premiazko arazoak konpontzea, eta egiten den lehenengo bilkuran Zuzendaritza Batzordeari horren berri ematea.
- e. Batzar Orokorrak berariazko erabaki bidez ematen dizkion eskumenak erabiltzea, betiere ez badira haren eskumen eskusibokoak.
- f. Eta orokorrean bere karguari dagozkion eginkizun guztiak, eta legearen eta estatuto hauen ondoriozkoak.

PRESIDENTEORDETZA

23. artikulua. Lehendakari ordeak lehendakariari lagunduko dio, eta lehendakariak aldi batean bere kargua bete ezin badu, lehendakari ordeak ordezkatzeko du. Era berean, lehendakariak berariaz eskuordetzen dizkion ahalmen guztiak izango ditu.

IDAZKARITZA

24. artikulua Idazkariari dagokio, zehazki, elkartean sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, elkarteen arloan indarrean dauden legezko xedapenak betetzeaz arduratuko da, erakundearen agiri ofizialak zaindaz, elkartearen liburuen eta artxiboen edukia egiaztatuz eta Zuzendaritza Batzordeko izendapenen eta egoitza sozialaren aldaketen berri emateko egin beharreko jakinerazpenak eginez agintari eskudunari.

Batzar Orokorraren eta Zuzendaritza batzordean idazkari lanak egingo ditu, eta Lehendakaria lagundu bere eginkizunetan.

DIRUZAINITZA

25. artikulua. Elkartearen fondoak zaindu eta kontu liburuez arduratzea. Lehendakariarekin batera fondoaren erabilpena baimentzea. Egindako diru-sarrera eta ordainketen berri emango du diruzainak, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu behar dizkio, eta horrek Batzar Orokorrari, hark onartu ditzan.

BATZORDEKIDEAK

26. artikulua.- Bokalek beren karguei dagozkion funtzioak izango dituzte, Zuzendaritza Batzordeko kideak diren aldetik (elkartearen zuzendaritza eta kudeaketa arrunta), baita batzordeak berakeskatzen dizkiena ere.

27. artikulua.-Zuzendaritza Batzordea balioz eraturik geratuko da gutxienez Lehendakaria (edo ordezkio gisa Lehendakairordea eta beste hiru batzordekide bertaratzen direnean)

HIRUGARREN KAPITULUA

BAZKIDEAK: ONARTUAK IZATEKO BALDINTZA ETA PROZEDURAK

28. artikulua Elkartean honen helburuekin bat datozen eta bertan parte hartuz helburu horiek lortzen laguntzeko nahia adierazten duten pertsona fisiko eta juridiko guztiak izan daitezke elkarteko kide.

29. artikulua. Elkartean sartu nahi duenak idatziz aurkeztu beharko du bere eskabidea, bi bazkideren sinadurarekin eta presidenteari zuzenduta. Presidenteak eskaeraren berri emango dio Zuzendaritza Batzordeari, eta horrek erabakiko du eskabidea egin duena elkartean onartu ala ez. Erabakiaren aurkako gora jotzeko errekurtoa jar dakioko Batzar Orokorrari.

BAZKIDE MOTAK, ESKUBIDEAK ETA BETEBEHARRAK

30. artikulua.- Kideak honela sailkatuko dira.

1)-**KIDE EKOIZLEAK:** adinez nagusi diren pertsona fisikoak edo juridikoak, profesionalki nekazaritza ekologikoan lan egin eta horren garapenean interesa dutenak.

Bazkide ekoizle gisa onartua izateko ondorengo baldintzak bete behar dira derrigorrez:

- Estatutu hauetako 4. artikuluan ezartzen den eremuaren barruan bere jardura errealia frogatu.
- Berariaz izendatuko den batzorde batek onartu.

- Elkarteko bi kide ekoizlek aurkeztea.

Honako eskubideak izango dituzte.

- ✓ Elkartearen Estatutu hauen arabera, elkarteko zuzendaritza-organoetan parte hartzea eta organo horietarako hautatzaile nahiz hautagai izatea, Autonomia Erkidegoko hizkuntza ofizial biak menperatzen baditu.
- ✓ Elkarteei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko berrogei eguneko epean.
- ✓ Elkartearen gobernu- eta ordezkaritza-organoen osaerari, elkartearen kontu-egoerari eta elkartearen jarduerari buruzko informazioa jasotzea.
- ✓ Elkarteko beste bazkideen nortasuna, diru-sarreraren eta gastuen egoera, eta elkartearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
- ✓ Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- ✓ Indarrean dauden legeetan zehaztutako bazkideen fitxategian agertzea, eta elkartearen ikurra, baldin badu behintzat, erabiltzea.
- ✓ Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkeztea.
- ✓ Talde-ekintza sozialetan parte hartzea, eta bazkideentzako tresnak erabiltzea (elkartearen egoitza, liburutegiak, eta abar). Zuzendaritza Batzordeak, kasuan kasu, erabakitako moduan.
- ✓ Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
- ✓ Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte.
- ✓ Une bakoitzean erabaki daitezen batzorde edo lan-saioetan parte hartzeko eskubidea.

2) **KIDE ARRUNTAK:** Estatutu hauetako I. kapituluari jasotzen diren Elkartearen helburu orokorren aldekoak izan eta horiek gara daitezen interesa duten pertsona fisiko edo juridikoak izango dira, sarrera Zuzendaritza Batzordeak onartzen badu, puntu honetan eta Estatutuetako gainerako puntuetan ezarritakoa betez.

Honako eskubideak izango dituzte.

- ✓ Elkartearen Estatutu hauen arabera, elkarteko zuzendaritza-organoetan parte hartzea eta organo horietarako hautatzaile nahiz hautagai izatea, Autonomia Erkidegoko hizkuntza ofizial biak menperatzen baditu.

- ✓ Elkaritei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko berrogei eguneko epean.
- ✓ Elkaritearen gobernu- eta ordezkaritza-organoen osaerari, elkaritearen kontu-egoerari eta elkaritearen jarduerari buruzko informazioa jasotzea.
- ✓ Elkariteko beste bazkideen nortasuna, diru-sarreraren eta gastuen egoera, eta elkaritearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
- ✓ Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- ✓ Indarrean dauden legeetan zehaztutako bazkideen fitxategian agertzea, eta elkaritearen ikurra, baldin badu behintzat, erabiltzea.
- ✓ Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkeztea.
- ✓ Talde-ekintza sozialetan parte hartzea, eta bazkideentzako tresnak erabiltzea (elkaritearen egoitza, liburutegiak, eta abar). Zuzendaritza Batzordeak, kasuan kasu, erabakitako moduan.
- ✓ Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
- ✓ Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte.
- ✓ Une bakoitzean erabaki daitezen batzorde edo lan-saioetan parte hartzeko eskubidea.

3) KIDE BABESLEAK Diru ekarpenak edo beste era batekoak eginez elkariteen helburuetan lagundu nahi dutenak, Zuzendaritza Batzordearen onarpenarekin eta beti Elkaritearen izaera zientifiko eta independentea errespetatuz; horrenbestez, ez dute Batzar Orokorrean eta Elkariteko gainerako zuzendaritza organoetan boto eskubiderik izango. Elkaritearen jarduerari buruzko informazioa jasotzeko eskubidea izango dute.

4) OHOREZKO KIDEAK: Nekazaritza Ekologiko eta alternatiboaren aurrerapenean lagundu dutelako eta beren merituengatik Zuzendaritza Batzordeak izendatzen dituenak, edo Elkariteko kideen herenak proposatu eta Batzar Orokorrean gehiengo sinplez izendapena onartzen denean. Horrenbestez, ez dute Batzar Orokorrean eta Elkariteko gainerako zuzendaritza organoetan boto eskubiderik izango. Elkaritearen jarduerari buruzko informazioa jasotzeko eskubidea izango dute.

31. artikulua. Hona hauek dira KIDE EKOIZLE ETA ARRUNTEN betebeharrak

- a. Elkaritearen helburuak bete eta horiek gara daitezen leialtasunez jokatzeko.

- b. Kuotak edo eta kasu bakoitzean erabakitzen diren ekarpenak ordaintzea
- c. Estatutuetatik eratorritako bestelako betebeharrak betetzea.
- d. Elkarteko zuzendaritza-organismoek baliotasunez hartutako erabakiei men egin eta erabaki horiek betetzea.

BAZKIDE IZATEARI UZTEA

32. artikulua. Bazkide izaera arrazoi hauengatik galduko da:

- 1. Hilez gero (edo, pertsona juridikoen kasuan, deseginez gero).
- 2. Bazkidea bere borondatez joanez gero.
- 3. Honelako egoeraren bat gertatzen bada: estatutu hauetatik ondorioztatutako betebeharrak modu larritz ez betetzea, behin eta berriz, eta nahita, edo gauza bera gertatzea Batzar Orokorrak edo Zuzendaritza Batzordeak hartutako akordio baliodunei dagokienez.

ZIGOR-ARAUAK

33. artikulua. Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zehatu ahal izango ditu.

15 egunetik hilabetera eskubideak kentzetik hasi eta elkartetik betiko kanporatzera arteko zehapena ezar daiteke, ondorengo artikulura adierazitako moduan.

Horretarako, zehatuak izan daitezkeen jokabideak aztertzeko ikerketa egin dadila erabaki dezake presidentetzak. Ikerketaren instruktorea idazkaritza izango da, eta berak proposatuko dizkio Zuzendaritza Batzordeari hartu beharreko neurriak.

Zehapena ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instrukziogilea delako), eta zehapena ezarri aurretik interesdunari entzunaldia eskainiko zaio. Zehatzeko erabakia arrazoitu egin beharko da beti, eta erabaki horren aurkako errekurtsua jarri ahalko zaio Batzar Orokorrari.

34. artikulua.- Bazkideren batek elkartetik kanporatua izateko moduko ustezko egintzaren bat egiten badu, hau da, Estatutuotatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, presidentetzak idazkaritzari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, presidentetzak jarduerak artxibatzeke agintzea edo elkartetik kanporatzeko zehapen-espedienteari hasiera ematea erabaki dezake.

35. artikulua.- Kanporatzeko zehapen-espedientea hasten bada, idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai- zerrendan sartuko da kasua, eta batzordeak hartuko du erabakia. Erabakian ez du botorik izango espedienteke instruktorea izan den

idazkariak.

Behin behineko kanporatzeko erabakia interesdunari jakinaraziko zaio, komunikatuz kanporatze-espedientea Ezohiko Batzar Orokorrari helaraziko zaiola, zeinak behin betiko kanporatzeko erabakia hartuko baitu hala badagokio. Bitartean, Zuzendaritza Batzordeak inputatuari bazkide- eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Kanporatze-espedientea lehenengo Ezohiko Batzar Orokorrari helaraziko zaio. Batzarrerako deialdia ez bada hiru hilabetetan egiten, gai horretarako bakarrik egin beharko da, Batzordearen erabakia berresteko edo errebokatzeko.

Idazkariak espedientearen laburpena egingo du, Zuzendaritza Batzordeak inputatuak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

36. artikulua.- Behin betiko kanporatze-erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.

37. artikulua.- Bazkideren bati kanporaketaren berri ematerakoan —berak nahi izanda edo zehapena ezarri zaiolako— bete gabe dituen betebeharrak bete ditzala eskatuko zaio.

LAUGARREN KAPITULUA

ERREGIMEN EKONOMIKOA

38. artikulua Elkarteak ez du inolako ondare sozialik.

39. artikulua Elkarteak, bere jarduerak aurrera eramateko, diru-baliabide hauek aurreikusten ditu:

- a. Erabakitzen diren bazkideen kuotak.
- b. Erakunde publiko, pribatu edo partikularrengatik jasotako diru laguntzat edo diru emateak.
- c. Zuzendaritza Batzordeak Estatutuen helburuak lortzeko egin beharreko zat jotzen dituen jarduera zilegietatik datozen diru-sarrerak.

Elkarteak bere helburuetatik eta antzeko beste helburu batzuen ondoriozko estatutu-jardueretara bideratuko ditu bere diru-fondoak. Elkarteak, Diruzainaren zaintzapean, kontabilitatea eramango du, Entitatearen ekonomia eragiketarako jasota geratuko direlarik bertan, eta Lehendakariak eta Idazkariak izapidetutako liburuetan transkribatuko dira, sortzen diren agiri, ordezkagiri eta kopiak behar bezala gordez. Kontabilitate hori urtero berrikusi egingo dute Batzar Orokorrak hartarako izendaturiko pertsonek.

Elkartearen ekitaldia eta ekitaldi ekonomikoa, urte betekoa izango da, Urtarrilaren 1etik Abenduaren 31 artekoa.

Urteroko ekitaldi ekonomikoa urteko bigarren hiruhilabetekoaren barruan itxiko da

Martxoaren 31 azken egun bezala , Batzar Orokorrean balantze ekonomikoaren berri emango delarik.

BOSGARREN KAPITULUA

ESTATUTUAK ALDATZEA

40. artikulua.- Estatutuak aldatzea propio horretarako deitutako bazkideen ezohiko batzar orokorrean erabaki behar da. Zuzendaritza Batzordeak hiru bazkidek osatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta batzorde berak jarriko du egitasmoa amaitzeko epea.

41. artikulua.- Aldaketa-egitasmoa epe barruan idatzi eta gero, presidenteak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du edo, bestela, lantaldeari itzuliko dio, berriz azertu dezan.

Onartua izanez gero, Zuzendaritza Batzordeak egiten den hurrengo batzorde orokor ezohikoaren gai-zerrendan sartzea erabakiko da.

42. artikulua.- Batzarrerako deiarekin batera, Estatutuetako aldaketen testua bidaliko da, bazkideek egoki iruditzen zaizkien zuzenketak idazkaritzan aurkeztu ahal izateko. Zuzenketa horiek Batzar Orokorrari helaraziko zaio, batzarra egin baino zortzi egun lehenago jaso badira idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan beharko dute. Zuzenketak bozkatu ostean, Batzar Orokorrak Estatutuak aldatzeko erabakia hartuko du, eta Elkartearen Erregistro Orokorrean inskribatzen denetik aurrera baino ez du eragina izango hirugarrenengan.

SEIGARREN KAPITULUA

ELKARTEA DESEGITEA ETA ELKARTE-ONDAREAREN ZERTARAKOA

43. artikulua.-Elkartea honako kasuetan desegingo da:

1. Bazkideek hala nahi dutelako. Nahi hori horretarako bildutako ezohiko batzar orokorrean azaldu beharko da.
2. Estatutuetan finkatutako epea edo baldintza bete delako.
3. Beste elkarte batek xurgatu duelako edo beste elkarte batzuekin bat egin duelako.
4. Legez ezarritako gutxieneko bazkide-kopururik ez duelako.
5. Epai irmo batek elkarte desegitea agintzen duelako.
6. Elkartearen helburuak betetzea ezinezkoa delako.

44. artikulua.-Elkartea deseginez gero, horixe erabakitzen duen batzar orokor ez-ohikoak Batzorde Likidatzaile bat izendatuko du, eta hark hartuko ditu bere gain dauden funtsak.

Bazkideekiko eta besteekiko elkarre-betebeharrak bete ondoren, geratzen den elkarre-ondarea, geratzen bada behintzat, irabazi-asmorik gabeko erakunde bati edo irabazi-asmorik gabeko ekimenen bati eman beharko zaio.

ZAZPIGARREN KAPITULUA

LEGE IGORPENA

45. artikulua .- Estatuto hauetan aurreikusita ez dagoen guztia, elkarreentzako legeak ezartzen duenari jarraiki xedatuko da.

AZKEN XEDAPENA

Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatutuetako aginduak aldatuko.

PRESIDENTEAREN SINADURA



IDAZKARIAREN SINADURA

